

Sequens canticum dicitur cum Allelúia, prouti hic notatur, quando cum cantu profertur; in recitatione vero sufficit ut Allelúia dicatur in initio et fine uniuscuiusque strophæ.

Canticum

Cf. Apc 19, 1-2.5-7

De nuptiis Agni

Allelúia.

- ¹ Salus et glória et virtus Deo nostro, *
(R. Allelúia.)
- ² quia vera et iusta iudícia eius.
R. Allelúia (allelúia).

Allelúia.

- ⁵ Laudem dícite Deo nostro, omnes servi eius *
(R. Allelúia.)
et qui timétis eum, pusílli et magni!
R. Allelúia (allelúia).

Allelúia.

- ⁶ Quóniam regnávit Dóminus,
Deus noster omnípotens. *
(R. Allelúia.)
- ⁷ Gaudeámus et exsultémus et demus glóriam ei.
R. Allelúia (allelúia).

Allelúia.

Quia venérunt núptiæ Agni, *
(R. Allelúia.)
et uxor eius præparávit se.
R. Allelúia (allelúia).

Dom. I Adventus: Ant. Ecce vénio cito, et merces mea mecum est, dicit Dóminus: dare unicuíque secúndum ópera sua.